

Khanglai Bulletin

A monthly publication of the Lutheran Youth Fellowship, General Headquarters

Vol. XX

July, 2025

Issue No.: 04

LYF General Headquarters Column:

International Youth Day vaiguon LYF General Headquarters sai na nuai ah neikhawm hiding:

I bie Pasion in damna ahing pia leh ahing tungding nisim 12th August, 2025 (Tuesday) nitah nai 6:30 PM chiengin LYF General Headquarters innteh na nuai ah Hq. Church (Zomi-Colony), MELC mun ah International Youth Day vaiguon nei ahi ding hi. Tami hun a thupi dingin "Empowerment for a sustainable future" pansan in The Right Rev. Khup Do Khen, Bishop, MELC in houlimna neiding hi. Tami vaiguon a paapawl sa ding LYF Hq. Church,

LYF Zoumunnuam, LYF Simveng leh LYF Central Church te ahi. Tualeh mimal a laa hing sa sah ding Elizabeth Hoinu, Chiindeiniang, Mercy Vunghoikim, Zambuang, Gracy Hatsianhoi, Mercy Chingneihoi, Lamitlian leh Kimneichiin te ahi. Tualeh tami i news uh Khanglai Bulletin tungtawn in simtu te zousia vaiguon hing uop chietding in ngainatna lianpen toh chielna kahing bawl uhi.

KIZAHSAHNA:

Sunday School

Teachers' Manual Book:

Division te kunga ki theisah ut ahileh Teachers' Manual Book man pe nailou te'n International Youth Day ni chienga toichiet tading in iki ngen uhi.

Niangtui San toh kisai:

Niangtui San toh kisai a ki theisah ut ahileh Division in amu dan zil a sum te submit thei chetchet lei chi theisahna iki bawl ahi.

Khanglai ECT apat bible zil te'n LYF Central Church vehna nei:



Nisim 4th July, 2025 (Friday) in Evangelical College of Theology (ECT) apat i hattuum mi-leh-sa bible zil a um Ginzamang tungnung, Henry Lianzaman, Thangsuanlian leh aloipa uh Langminmang

Khongsai te'n i khanglai pi uh LYF Central Church ah khanglai kikhopna vaiguon va uap ua, Pasion thu-leh-laa toh kipawl khawmna va neipih uhi.

LYF Singngat Division

Training on Pickles & Candy making nei uh:



Tuni nisim 19th July, 2025 in Department of Industry, LYF Singngat Division in collaboration with SLEP -II Project, MELC sai na nuai ah zingkal lam nai 10:00 AM apat nitah lam 3:00PM tan One Day Training on Pickles & Candy Making Phaibem, MELC ah nei uhi. Tami hun a Trainer in Nu Lamhling, VDVK, Singngat Block pangin, LYF Singngat Division apat khochin a mi ki hal in zil na nei uhi. Tualeh tami funddrive dinga bawl ahi a, member te'n ahing zua chiang ua ana leipia chiet dingin iki ngen sawnsawn uh ahi.

LCF Singngat Division in Khawmpi nei:



Apeisa Date 27-29/6/2025 sung teng Singngat Division nuoi a um LCF ten Kumkai Khawmpi M. Lunmual MELC mun ah azang ua, Rev Dr Ginkhanmung DS in khawmpi honna nei in, Rev. T. Chinlunmang, Biel Pastor in khawmpi khahna anei hi. Thupi: "Naupangte ka kungah hing peisah un" (Mt. 19:14) pansan in



Resource persons in Rev T. Chinlunmang Zou, Biel Pastor, Pro Pastor Mangliansang, Local Pastor Singngat leh Evan. Bethel Zou Minlun te pang un Pasion thugen na nei uhi. Khawmpi hun sungin Recitation Skit show leh Thu-le-la kidemna hun in azang ua, nuom leh khelatah leh lawchingtah in vaiguon zang zou uhi.

Lamka East Division

LCF Lamka East Division in Khawmpi nei:



Apeisa nisim 27-29 June, 2025 sungin Lutheran Children Fellowship (LCF) Lamka East Division in naupang khawmpi Simveng, MELC mun a anei uhi. Tami hun ah Khawmpi honna leh a khahna Pastor Dr. M Thangboi Zou in anei hi. Tukum Khawmpi thupi “Isak maitam a latna” Siemchilbu 22:7,8 na pansan in Khawmpi Speaker



Rev. Nengkhanlal Milun (DS, Lamka East Division) in naupang khawmpi sim a hing kuan te kua Pasion thugenna anei hi.



LYF Shillong



Apeisa nisim 1/06/25 ah 2nd General meeting ana kinei na a, resolution khat na ah sports and recreation neiding thu pass kibol na ah, nisim 21/06/25 a, Mawshbuit turf ground ah khanglai teng kikhol khom in hunpan na thumna Pastor Sawmlal (Lyf Advisor) in neisah in tahsa leh hagau a kipol khomna nuamtah zahna vaiguon ana ki nei hi.

LYF Simveng in Charity Dinner nei:



LYF Simveng in Naupang Hundamna Camp a ding Charity Dinner nisim 12/07/25 in Simveng MELC Campus ah ana bol hi. Tam Charity Dinner hing uop pi teng tung ah tami Khanglai Bulletin tungtawn in



kipathu ka hing gen uh ahi. Naupang Camp nei hun ding ahileh July 25-27 ahi ding hi. Thumna a hing na phaw chiet un.
- LYF Simveng

LYF Delhi in Outreach Programme nei:



Apeisa nisim 8th July, 2025, Tuesdaynai 8:00 PM in LYF Delhi in Outreach Programme Gurgaon Eimi Prayer Cell te toh hun zahkhawmna nei: Vaiguon tangpi tam anei a bang ahi. Conductor: Tv. Khupminthang, (Secretary LYF-D) pangin Nh. Naomi, (Education Secy. LYF-D) in hunpatna anei hi. Tualeh ki pulahna akuan lam apat leh zintun te lam apat nei tuah in a um a, Nh. Bebem in Pasion phatna laa sahna anei hi.



Tua zou in Message & Motivational Speech: Pa Sawmlal, MELC-D Upa (Elect) & Advisor LYF-D apat ngaikhietna nei ahi a, toikhawm te latna Pastor Johnlal, (Local Pastor MELC-D) in nei in tualeh kipah thugenna Tv. Hauray (Vice-Chairman, LYF-D) apat ngaikhietna nei ahi a, vaiguon khahna, gualzawlna leh refreshment te latna Pastor Johnlal (Local Pastor, MELC-D) in nei in vaiguon zaw ahita hi.

LYF Moreh Division



LYF Moreh Division a khatveina Thumkhawmna nei:
Apeisa nisim 21st June, 2025 in LYF Moreh Division in JH Vajang, MELC mun ah a khatvei na LYF Moreh Division thumkhawmna nei uhi. Tami hun Session 2 a khen in a um a, 1st Session Pastor Kapkhanhau (DS, Moreh Div.) in la in, tualeh 2nd Session Harry Seikhohau (Chairman, LYF Moreh Div.) in ala hi.